

Na osnovu člana 4.8. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 14. Statuta ("Službeni glasnik BiH", broj 41/03 i 59/04) i člana 13. Pravilnika o tarifnom postupku ("Službeni glasnik BiH", broj 44/05), na sjednici Državne regulatorne komisije za električnu energiju, održanoj 29. decembra 2014. godine, donijeta je

ODLUKA

O PRODUŽENJU VAŽENJA ODLUKE O ODREĐIVANJU TARIFA ZA POMOĆNE USLUGE

1. Do donošenja nove odluke o pomoćnim uslugama, produžava se važenje ranije donijete Odluke Državne regulatorne komisije za električnu energiju o određivanju tarifa za pomoćne usluge ("Službeni glasnik BiH", br. 104/11 i 8/12).
2. Ova odluka stupa na snagu danom donošenja i objavit će se u "Službenom glasniku BiH" i službenim glasilima entiteta i Brčko Distrikta BiH.

Obrazloženje

Državna regulatorna komisija za električnu energiju je 26. marta 2014. godine donijela *Odluku o utvrđivanju Koncepta pomoćnih usluga za balansiranje elektroenergetskog sistema Bosne i Hercegovine* (u daljnjem tekstu: Koncept), uz opredjeljenje da tada definirana rješenja budu efektivno primijenjena od 1. januara 2015. godine.

Mada su izmjene *Metodologije za izradu tarifa za usluge prijenosa, rada NOS-a i pomoćne usluge*, pravovremeno izvršene (16. jula 2014. godine), značajno usporavanje dinamike, pa i potpuni zastoj u drugim aktivnostima, doveo je do nemogućnosti realizacije svih potrebnih aktivnosti, uključujući pravovremeno provođenje testnog perioda, nabavka kapaciteta sekundarne i tercijarne rezerve, donošenje odluke o tarifama za systemske usluge itd.

DERK prepoznaje da efektivna primjena rješenja definiranih u Konceptu zahtijeva dodatno vrijeme za implementaciju. U cilju izbjegavanja vakuuma u domenu pružanja pomoćnih usluga i balansiranja elektroenergetskog sistema BiH, DERK donosi odluku kojom produžava važenje *Odluke o određivanju tarifa za pomoćne usluge*. Time se praktično nastavlja primjena ranijeg modela pružanja pomoćnih usluga, zasnovanog na reguliranim cijenama i obavezama koje imaju pružaoci pomoćnih usluga. Istovremeno se učesnicima u sektoru ostavljaju prostor i vrijeme da se sa pojačanim intenzitetom posvete stvaranju uvjeta za primjenu rješenja u skladu sa Konceptom. Na taj način će, u skladu sa procjenom koju je dao NOS BiH, biti omogućeno da efektivna primjena rješenja iz Koncepta započne 1. juna 2015. godine.

Broj: 04-28-5-346-30/14
29. decembra 2014. godine
Tuzla

Predsjedavajući Komisije
Nikola Pejić